

西園聞見叅

第十一冊

西園雜記卷之十一

西園聞見錄卷之十三目錄 內編

廉潔

前言

端木

宋潛溪

薛文清

何喬新

何孟春

崔銑 三則

梁儉菴

黃佐

張時微

陳公絳

石瑤

耿定向

于慎行 二則

王文肅 三則

馮琦

張居正

往行

張以寧

張昕

黃朝弼

王升

方克勤

陳觀

郭櫟

衡岳

劉子敏

呂昭

靳義

郭敦

申泰

茹連

胡壽安

邢昭

子旦

陳謙

王璿

張宗璉

劉俊

劉寧

劉崧

薛均

高穀

山雲

孫原貞

周璫

戴浩

柴車

葉宗行

夏原吉

二期

徐孟暉

徐琦

孫浩

李隆

羅汝敬

錢昕

薛瑄

陳信

劉實

吳訥

魚侃

何文淵

吳毅

劉觀

王質

魯穆

石璞

王翺

劉訓

周子良

李謨

子茂

朱英

甄鐸

王 宇

于 謙

二周

劉大夏

軒 輓

耿九疇

王 恕

二周

鄒來學

徐 瑄

孫 素

辛 訪

李 輿

名如可

黃孔昭

樊 瑩

毛 吉

黎 淳

王 道

李東陽

張敷華

章楓山

張 泰

熊 繡

潘 禮

孫 需

婁 璿

李 旻

何廷秀

林 鶚

吳 雄

秦 紘

楊繼宗

二周

丘文莊

戴 仁

胡宗道

許 潛

李 嵩

郭 緒

龐 泮

李 汰

包 鼎

周 用

屠 鏞

劉用元

陳茂烈

陳壽

張憲

吳洪

楊茂元

胡世寧

黃傳

徐聯

李璽

劉麟

孫繼魯

顏祿壽

李福

鍾湘

譚讓

吳廷舉

羅一峯

張常

章拯

宋裳

詹瑩

陳金

馮裕

韓邦靖

陳鳳梧

屠大山

張羽

王虎谷

雍泰

蔣瑤

王勳

彭簪

王應鵬

梁儲

徐鑑

韓邦彥

何淡

吳傑

劉璽

楊宏

周鈺

戴憲副

秦嘉楫

江潮

鄭曉

龔起鳳

周萊峯

吳文華

唐順之

羅念庵 二冊

何世祺

方鈍

陶承學

郭宗臯

雷士禎

葉溥

陳泗

李遷之

吳嶽

蔣蒙

曹自守

陳鏊

萬士和

劉應節

李德用

王鈞

耿定向

李守正

王穀祥

楊豫孫

郭應聘

常若愚

龐尙鵬

海瑞

沈鳳翔

周啓祥

陳有年

陳繼源

馮岳

張鉞

王懋德

朱鴻謨

黃鍾

李樹敏

嚴清

袁洪愈

林椿

王基

馬諒

陳璋

趙汝璣

邵公

劉士奇

吳玉

解冠

樂護

王博

東祈

周鑑

李銳

張秉

顧琛

潘鏗

吳達

李大行

李良

姚堂

王汝陳

童俊

戴儒

黃清

董士毅

陳鑑

姜湧

焦瑞

劉廷梅

顧蘭

周奕

胡經

劉幹

申鑄

李學梅

西園閑見錄卷之十三

內編

嶺南張萱五奇甫輯

廉潔

前言

刑部尚書端木以善居官能守貧嘗著座右銘曰爲官實難貧然後安
事有不可急中存寬又曰心契上天脚踏實地人謂其能自警云

宋太史潛溪歸田日鐫於楹曰積高山之善尙未爲君子貪絲毫之利
便陷於小人又大書於門曰寧可忍飢而死不可苟利而生君子以爲
名言

薛文清曰清而有容乃不自見其清若自見其清心反爲清所累又曰
以己之廉病人之貪取怨之道也又曰世之廉者有三有見理明而不
妄取者有尙名節而不苟取者有畏法律保祿位而不敢取者見理明
而不妄取無所爲而然上也尙名節而不苟取狷介之士其次也畏法

律保祿位而不敢取則勉強而然又爲次也

何喬新曰廉吏不聞於世久矣碩鼠之刺城烏之謠在古且然况後世乎世所謂貪者固不足道其矯而爲廉者垢衣敝屨以欺人而後房姬媵極珠翠之麗亦豈真廉者哉

何孟春曰鼎而飾以饗饗貪之戒也簠簋而龜飾之廉之勸也人莫不飲食也可無省於是乎

崔公銑曰縷肉而集衆蛆勺水而活百魚欲專利免奪乎

又曰銑初入翰林謁少傅劉公忠于高坂私第公慨然曰古羈人匹士雖當流離困絕不取非義財况居祿食者乎此言真可爲貪夫之戒又有五吏篇曰深文練法此苛吏也而世尚之曰法理之吏飾外修譽此僞吏也而世尚之曰嚴明之吏逢顏逆向此佞吏也而世尚之曰恭謙之吏暴斂厚征此賊吏也而世尚之曰功能之吏巧徵齎取此貪吏也而世尚之曰材幹之吏近臣徇私而稱之世主采浮稱而禮之禮之則加賞焉反是雖張李之平卓茂之貞延壽之正陽城之寬張湛之清

近臣徇私惡而毀之世主惑羣議而棄之棄之則罰加焉非介必因賞而改心因罰而渝節五吏者治之蠹而貪爲之源焉夫貪非以自養已也必遺近臣以求譽於是取之豪右豪右復取之細民取之豪右什去其五矣取之細民什去其七矣久則罄夫徒貪民不懾而獲微也必制以苛苛必能而後行必覆以僞僞則謹民而恐聞恐聞必悅以佞非征斂無以自見也必肆以賊如是然後可以遂貪是故五尙行而吏不良五吏興而民不安求國常治弗可得矣

梁儉菴曰秀才讀書不要錢是分內事不可向人說况欲驕人乎又曰要錢不做官做官不要錢此吾平生自考語也

黃佐曰嗟乎貪夫徇財烈士徇名余嘗悼夫世之徇財者之衆而徇名者何少也前數十載吾廣士夫多以畜爲諱爭自灑濯以免公議及余接世務以來聞人仕衆必問曰好衙門否聞人退衆必問曰有收拾否且耀金珠廣田宅以驕里閭者世不以爲過也夫勢大則用奢父驕則子汰卒之顛覆而後知財爲禍梯亦已晚矣夫居官廉故蒞事公蒞事

公故民愛敬民愛敬故功業昭功業昭故修名立修名立然後仁孔子曰君子去仁惡乎成名信哉富貴之不審貧賤之不安往往陷溺其本心雖謂之不仁可也

張時徹曰優孟之言廉吏可爲而不可爲貪吏不可爲而可爲廉吏而可爲者當時有清名而不可爲者子孫無以爲生貪吏而不可爲者當時有汚名而可爲者子孫之家以成此言貪吏豐殖而廉吏寡資廢興之所以異也以今觀之殆不盡然廉吏謂己之不黷也往往矯亢以立名峻法以繩下適輕而重適出而入非破肌決膚則亡身殄世此人情之所共吝而天道之所甚忌也子孫欲無衰得乎貪吏謂己之不潔也上懼駁正於監司下懼訐譴於豪猾宜重而輕宜入而出非甘言以平怨則詘法以伸情此人情之所同悅而鬼神之所不譴也子孫欲無興得乎是故君子之持身也可廉而不可貪其行法也宜恕而不宜刻若怒而不貪廉而不刻斯善之善者也

陳公絳曰當官之三事曰清計吏之六治曰廉評吏治者其爲不貪乎

人亦有言廉而無爲不若貪而有爲此甚非扶世掖教之言也苟貪矣夫復何爲其揮揮霍霍也者其泯泯焚焚也者得非以佐己之所不足而成其私掩人之所不察而蓋其欲耶夫是以健翮搏虎其傷人必多以文錦冒璽其穿人滋甚吾未見夫以貪而能以有爲爲民者也石瑤曰瑤伏讀大誥暨律令諸書凡貪吏皆至大辟家屬被徙垂統建法之意良深且遠哉自後禁令少弛吏爭爲侵漁竭澤焚林上下恬不爲怪而自稱其能賂章於朝淫刑肆毒下民益困由是能吏出而廉吏廢矣

耿公定向曰夫世約其躬爲苦節行者類多齟齬迂滯不能事事彼蓋矯節以鳴高者也其真漓其性恃矣余嘗憶父老相傳宣正成弘間里中民物殷盛閭巷熙熙有以也乃今里中身有完服面無菜色父子兄弟相聚而無愁嘆聲者蓋鮮曷故哉吏治之日燠也吏治之日燠則士節之不立也士節之不立則古道之衰微而紛華之爲習甚也卽吾一鄉而天下可類知已嗟嗟孰爲清苦爲細謹哉

于慎行曰楊綰爲相奏請加京官俸此舉是也常衮爲相欲辭堂封此意非也何者天下事自有當省者有當費者有當開者有當塞者官冗則當裁有官則俸不可省位過則當退居位則祿不可辭裁其常俸而使之乞貸於外官是開其請托之門也法爲中人而設己之俸可辭而人之貞污不可保也是啓其賂賄之端也故原思爲宰而不受祿子貢贖人而不取金聖人皆無取焉非不取其廉也以己之廉而成人之不廉君子不爲也

又曰士君子之於天下大則出處進退細則辭受取予立身之大閑在焉伊尹耕於有莘翻然應聘是其出處之節一介不取一介不予是其辭受之節未有苟於辭受而能重於出處者也夫一介不取稱曰廉可矣一介不予其迹似嗇君子何取焉曰是尤難也其交也以道其接也以禮可取也亦可予也交不以道接不以禮不可取卽不可予也世有持一介不取之節以立名於天下曰廉吾不知其爲伊尹耶非也齊諧曰此半個伊尹爾

王文肅公與劉雲嶠祭酒書曰聖主聰明未必事事扞格至此嘗私聞之趙寧字中丞方今廷臣言諫多身諫少有如部院諸公果能人人戢身私第如布衣葛屨則主上豈無聰明豈無感動此兄家伯仲與李九我宗伯所優故不肖夢寐中未嘗不以三公得地爲望若高談洗耳以脫籠解縛爲快則眼前誰不能者

又與李養愚撫臺書曰明臺執掌安民核吏核吏在廉而不刻則人易從若必欲如晏嬰之儉亦自任雅意爲之顧恐過將來人已大相懸孔孟復生亦當折衷其間矣

又與黃石廩大尹書曰公能苦身爲廉自是當官第一義然豪傑大作用却不當茅草以陳仲子谿刻自處知內外僕侍但嚴其鈴鍵勿窘之衣食于政本固無害也水清無魚此言可省

馮公錡曰今之廉吏僅比古之中人今之中人已不免古之貪吏蓋古人公私之費皆少今人公私之費皆多故也

張居正曰良吏不專在甲科甲科未必皆良吏大抵諸官吏以操守爲

先廉且能上也卽不能兼且先取廉者蓋數年以來如廣盜之起始皆貪吏利其賄以致滋蔓故唐人有送南海尉詩云此鄉多寶玉慎勿厭清貧蓋自古以爲難也

往行

張以寧少貧苦好學洪武初爲翰林侍讀學士清潔自守所居蕭然未嘗營財產常奉使安南襍被而生還遇疾卒於道臨終有詩云覆身惟有黔婁被垂橐都無陸賈金朝廷命有司歸其喪營塋以禮

張昕字賓陽號林岫松江人洪武初以稅戶人才舉授儀禮司序班歷官戶部員外郎恆自念先人所遺幸有餘自爲主事卽辭祿雖奉使在外不給公廩饋遺一無所取

黃朝弼洪武初知蕪湖以清慎聞公務雖煩退必讀書去任惟書一篋易鈔以爲路費

王升其子墳爲平涼知縣升以書遺之曰凡爲官必廉潔自守貧者士之常也古人謂貧乏不能存此是好消息撫民以仁慈爲心報國以忠

勤爲本處己以謙敬爲先進修以學業爲務有暇日宜玩味經史至於先儒性理之書亦當潛心其間於此見得透徹則自然所思無邪又熟讀律令則守法不惑仕與學蓋不可偏廢人便則買附子二三枚川椒一二斤必經稅而後來餘物非所覩也後填坐事逮繫刑部獄其書爲搜獄者所得以奏太祖皇帝覽之嘉嘆良久遣使賜升白金百兩絹十匹附子五枚川椒五斤仍復其家

方太守克勤生平奉養簡素不服紬綺御一布袍數十載不易日不再肉不治官事輒却肉不食所守廉甚絲毫不取諸人每行縣以物自隨杯湯不肯受兗州守因童進二木瓜笞童十召州吏還之鄉人有爲饒陽令者以燭鴈脩公力却去乃已初至官時祿米一斛可易金三兩以軍食告乏月取十斗爲之餘悉儲於倉

陳觀字延賓□□人洪武中以明經補教官歷陝西右參政爲教官四歲有應詔薦觀文學者卽被召命至京師朝謁觀跪衆人中獨頽然首出而貌復哲高皇帝顧問曰彼頽而哲者何人也觀出對焉上試以王